

Impulit in latus, ac venti, velut agmine
facto,

Quá data porta, ruunt, et terras turbine
perflant.

Incubuerunt mari, totumque a sedibus imis
Uná Eurusque, Notusque ruunt, creber-
que procellis

Africus, et vastos volvunt ad litora fluctus.
Insequitur clamorque virum, stridorque
rudentum.

Eripiunt subito nubes cœlumque, diemque
Teucrorum ex oculis: ponto nox incubat
atra.

Intonuere poli, et crebris micat ignibus
æther,

Præsentemque viris intentant omnia mor-
tem.

Talia jactanti stridens Aquilone procella
Velum adversa ferit, fluctusque ad sidera
tollit.

Franguntur remi: tum prora avertit et
undis

Dat latus, insequitur cumulo præruptus
aquæ mons.

Hi summo in fluctu pendent; his unda
dehiscens

Terram inter fluctus aperit, furit æstus
arenis.